

齋 齋 齋 齋
齋 齋 齋 齋
齋 齋 齋 齋

大清境徽視經終

大清境集仙經 第三

夫行道皆有至行當盡虔恭志運心使真
靈降感行系行神令人天周布故入靖登壇
誦經禮拜朝真謝罪皆稱行道遶壇三匝並
依本法凡雜謝罪析思之會或為天地或為
帝王或為國土或為人民或為祖世或為己
身或為家門或為三塗五苦或為六道四生
皆須建齋行道燒香禮拜誦經讚詠凡所祈
向並須修齋凡國土有災兵革凶興兆民疾
疫水旱死亡一切凶危皆須修齋若造經像

殿宇宮館觀室洞府嚴會華嚴建立道場或
造鐘磬法器天樂成就一切功德亦須恭敬
廣設清齋虔伸啓請誦經念道斷諸惡想令
內外增善讚嘆功德不可思議凡讀誦經文
禮拜行香一依經典三炷上香三禮三度九
禮端身稽首讚誦玉音令其和陽無使不齊
欲其一切見聞皆悉歡喜同聲讚嘆敷播道
法如斯功德是不可思議是無量無邊智慧
亦復以是功德過往宗親俱起淨境見世眷
屬受諸快樂富來托生常居福地淨土衣食
常自然是故發是淨心普令莊嚴種種香花
燈燭羅列供養普獻於三界諸天四司五帝
三官九府一百二十尊像虔伸懇請注福延
生消災度厄管護臣身普及一切有情天道
地道人道畜生道餓鬼道地獄道一切苦惱
普皆消滅更能持齋精心用意絕其貪取不
著聲色隨力布施經像勸人廣作福緣如斯
利益乃為不可思議七世父母離苦昇天道
速快樂合門和睦世世昌熾與道因緣罪累
蕩除福慧圓滿天下太平萬國和同一切衆

生免離諸苦同人正真至心稽首無上正真
三寶讚詠功德為諸來生作諸善緣關於惡
昧仰受聖恩百福莊嚴萬善雲集賢於群生
離苦解脫供養尊禮慈悲教典永領受持旦
夕燒香以求福利流傳於世無有懈怠而說
偈曰

善方便智 隨意能現 成就群生 通達無礙
離有離無 無有有我 常持善願 勸人發心
令求勝善 去遠惡道 得無畏力 清靜法果
一切無礙 普入法門 皆有是心 悉皆得度

集仙經靈符

靈 靈 靈 靈
靈 靈 靈 靈
靈 靈 靈 靈

大清境集仙經終